

Na osnovu članova 26., 30., 31. i 35. Zakona o društvima za osiguranje u privatnom osiguranju (Službene novine FBiH br. 24/05), članova 3. i 6. Odluke o dokumentima koji se prilažu uz zahtjev za izdavanje odobrenja za rad (Službene novine Federacije BiH br. 80/06), člana 70. stav 1. tačka 20. Statuta "ASA OSIGURANJE" d.d., Uprava "ASA OSIGURANJE" d.d. donosi akt kojim se utvrđuju:

USLOVI za osiguranje stvari domaćinstva

Predmet osiguranja

Član 1.

(1) Predmet osiguranja u smislu ovih uslova su:

- 1) stvari domaćinstva i
- 2) odgovornost u svojstvu privatnog lica za štete učinjene trećim licima.

(2) Ako se posebno ugovori predmet osiguranja mogu biti i :

- 1) boje na zidu i građevinskoj stolariji, razne obloge na podu, zidu i stropu (tapete, lamperije, pločice i sl.) te podovi (parket, tapison, pločice i sl.).
- 2) stakla na vratima i prozorima stana.

(3) Stvarima domaćinstva smatraju se stvari koje služe za uređenje stana te za ličnu upotrebu i potrošnju, kao i gotov novac, vrijednosni papiri, drago kamenje, plemeniti metali, pravi biseri i predmeti od njih, umjetničke stvari i zbirke (poštanskih maraka, starog novca, starog oružja, značaka i sl.).

Osigurane su samo stvari domaćinstva, koje se nalaze u stalno nastanjenom stanu i vlasništvo su osiguranika, članova njegovog porodičnog domaćinstva i kućne pomoćnice kao i stvari koje oni koriste na osnovu stanarskog ili nekog drugog prava, osim onih koje su po ovim uslovima isključene iz osiguranja.

(4) Po ovim uslovima ne mogu biti predmet osiguranja:

1) sastavni dijelovi zgrade, (žbuka, kalijeve peći, podne podloge, bojleri, sanitarni uređaji, hidrofori, sve instalacije, cisterne za gorivo i vodu, bunari i sl.) osim onih koji mogu biti predmet osiguranja (boje, obloge, podovi , stakla itd.).

- 2) TV antena i druge antene izvan zatvorenih prostorija stana,
- 3) životinje.

4) motorna vozila, bicikli s pomoćnim motorom, prikolice svih vrsta, plovni i vazduhoplovni objekti i samohodne mašine,

- 5) automobilski dijelovi i gume,
- 6) građevinski i instalacioni materijal,

7) mašine, sprave i alati te zalihe materijala i robe koje služe za obavljanje zanatske ili neke druge djelatnosti osim djelatnosti turizma u kućnoj radnosti (primorski i seoski turizam) i hobi delatnosti kojima se ne privređuje.

(5) Nastanjen stan u smislu ovih Uslova je stan koji nije više od 60 dana nenastanjen u toku 12 mjeseci.

(6) Po ovim Uslovima ne mogu biti predmet osiguranja:

1) stvari u nenastanjenim stanovima, vikend-kućama, vingoradskim kućama sa podrumima, kamp prikolicama i šatorima,

- 2) boje, obloge, podovi i stakla u podrumu, na tavanu, u šupi i garaži.

Osigurane opasnosti (rizici)

Član 2.

(1) Osiguravač se obavezuje isplatiti naknadu štete na stvarima i interesima iz člana 1. ovih Uslova u slučaju nastanka sljedećih opasnosti (osnovne opasnosti):

- 1) požara i udara groma
- 2) eksplozije
- 3) oluje
- 4) tuče (grada)
- 5) pada letilice
- 6) manifestacija i demonstracija
- 7) poplava i bujice
- 8) klizanja tla i odronjavanja zemljišta
- 9) snježne lavine,
- 10) izlivanja vode iz vodovodnih i kanalizacionih cijevi.
- 11) odgovornosti

(2) Ako se posebno ugovori uz dopunsku premiju obaveza osiguravača se proširuje i na opasnost i od (dopunske opasnost):

- 1) provalne krađe
- 2) razbojništva
- 3) obične krađe
- 4) loma stakla

Od opasnosti obične krađe osigurano je samo rublje, odjeća, posteljina, tepisi i zavjese i to u smislu člana 16. ovih Uslova.

(3) Osiguranjem su, kada se ostvari osigurani slučaj, pokriveni i:

1) štete od uništenja i oštećenja osiguranih stvari nastale prilikom spašavanja (iznošenja, ukazivanje pomoći) zbog nastalog osiguranog slučaja,

2) štete zbog nestanka osiguranih stvari usljed ostvarivanja osiguranog slučaja,

3) troškovi učinjeni pri raščišćavanju i rušenju u vezi s nastalom osiguranom opasnošću na osiguranoj stvari.

4) troškovi, gubici i druge štete prouzrokovane razumnim pokušajem da se otkloni neposredna opasnost od nastupanja osigurane opasnosti kao i pokušajem da se ograniče njene štetne posljedice, pa i onda ako su pokušaji ostali bez uspjeha,

5) naknadu troškova iz prethodne tačke ovih uslova osiguravač je dužan dati i u slučaju, kad ona zajedno s naknadom štete zbog nastupanja osigurane opasnosti, prelazi sumu osiguranja.

(4) Osiguranjem nisu obuhvaćene posredne štete u vezi s nastalom osiguranom opasnošću, kao što su: šteta zbog umanjjenja upotrebljivosti stvari, gubitka zakupnine, izdatka za vodu zbog izlivanja i drugih slučni gubici.

Obim opasnosti požara i udara groma

Član 3.

(1) Požarom se, u smislu ovih Uslova, smatra vatra nastala izvan oredenog ognjišta ili vatra koja je ovo mjesto napustila i sposobna je da se dalje širi svojom vlastitom snagom.

(2) Ne smatra se, da je nastupio požar i osiguravač nije u obavezi da plati naknadu ako je osigurana stvar uništena ili oštećena:

1) usljed izlaganja vatri ili toploti, radi obrade ili u druge svrhe (npr. kod peglanja, sušenja, prženja, pečenja ili sl.) ili zbog pada ili bacanja u ognjište (peć, štednjak i sl.).

2) osmuđenjem, oprljenjem ili progorijevanjem (od cigare, cigarete, sprave za osvjetljavanje, žeravice ili sl.),

3) usljed vrenja ili zagrijavanja, kuvanja, dimljenja i sl.

(3) Osiguranjem od opasnosti požara nisu obuhvaćene štete na dimnjacima nastale u vezi sa vršenjem njihove funkcije.

(4) Osiguranje od udara groma, u smislu ovih Uslova, pokriva štete koje na osiguranim stvarima prouzrokuje grom dejstvom snage ili toplote, kao i štete od udara predmeta oborenih gromom.

Ne smatra se da je štetu prouzrokovao udar groma, ako je do štete došlo djelovanjem električne energije, pregrijavanjem, preopterećenje, atmosferskim uticajem (statičkih opterećenja, indukcijom, atmosferskih praženjanja i sličnih pojava).

Isto tako, ne smatra se da je štetu prouzrokovao udar groma, ako je šteta nastala zbog prenosa električne energije preko vodova. Međutim, nadoknađuje se šteta od požara koji bi nastao djelovanjem električne energije i koji bi se nakon prestanka toga djelovanja samostalno širio.

(5) Osiguranjem nisu obuhvaćene štete prouzrokovane prenošenjem električne energije preko vodova, kao posljedica udara groma, kao i štete na zaštitnim osiguračima, gromobranama bilo koje vrste, zaštitnim prekidačima, odvodnicima, prenapona i sličnim uređajima, nastale u obavljanju njihove normalne funkcije.

Obim opasnosti eksplozije

Član 4.

(1) Ekspozijom se, u smislu ovih Uslova, izuzev eksplozije od nuklearne energije, ukoliko se drukčije ne uovori, smatra iznenadno ispoljavanje sile zasnovane na težnji pare ili gasova za proširenjem.

Eksplozija posuda pod pritiskom (kotao, cijevi, peći sl.) postoji samo onda, kada su zidovi suda u tolikoj mjeri procjepani da nastaje trenutno izjednačavanje unutrašnjeg i spoljnog pritiska.

(2) Osiguranjem nisu obuhvaćene štete:

1) Na stvarima osiguranika prouzrokovane miniranjem, koje se obavlja u okviru njegove djelatnosti ili u okviru dopuštene djelatnosti trećih lica,

2) koje su posljedica smanjenja pritiska u sudu (implozija)

3) od eksplozije biološkog karaktera,

4) zbog eksplozivnih izduvavanja iz peći i sl. naprava,

5) štete zbog probijanja zvučnog zida,

6) od eksplozije zbog dotrajalosti, pojave istrošenosti ili starenja, prekomjerne naslage rđe, kamenca, taloga, mulja na osiguranoj stvari, ali je osiguravač u obavezi nadoknaditi štetu koja nastane na drugim stvarima u vezi sa nastalom eksplozijom.

Obim opasnosti oluje

Člna 5.

(1) Olujom, u smislu ovih Uslova, smatra se vjetar brzine 17,2 m/sek, odnosno 62 km/h (snage 8 stupnjeva po Boforovoj skali) ili više.

Smatraće se da je duvao vjetar ove brzine u kraju gdje se nalaze osigurane stvari, ako je vjetar lomio grane i stabla ili oštetio dobro državane građevinske objekte. U slučaju sumnje osiguranik mora dokazati brzinu vjetra izvještajem hidrometeorološke službe.

(2) štete od oluje obuhvaćene su osiguranjem ako su prouzrokovana mehanička oštećenja na osiguranoj stvari:

1) neposrednim djelovanjem oluje i

2) direktnim udarom predmeta oborenih ili nošenih olujom.

(3) Osiguranjem od oluje nisu obuhvaćene štete:

1) od prodiranja kiše, grada, snijega ili drugih nanosa kroz otvoren prozor ili druge otvore koji postoje u stanu odnosno zgradi ili su nastali zbog loše konstrukcije, nekvalitetno izvedenih rdova na građevinskoj stolariji, osim ako su otvori nastali od oluje, kao i štete od kiše i drugih oborina na predmetima domaćinstva smještenih na slobodnom prostoru.

2) na stvarima u građevinskom objektu koji nije bio izgrađen prema uobičajenom načinu gradnje na tom mjestu, ili koji je slabo održavan ili dotrajavao.

Obim opasnosti grada**Član 6.**

Osiguranjem su obuhvaćene štete od uništenja odnosno oštećenja osiguranih stvari koje prouzrokuje grad svojim udarom.

Obuhvaćene su i štete od prodiranja rada i kiše kroz otvore nastale od padanja grada.

Obim opasnosti pada letilice**Član 7.**

Smatra se da je nastao osigurani slučaj pada letilice ako se od neposrednog udara letilice ili njezinih dijelova, kao i bilo čega iz letilice, osigurana stvar ošteti ili uništi.

Obim opasnosti manifestacije i demonstracije**Član 8.**

(1) Manifestacijom i demonstracijom, u smislu ovih Uslova, smatra se organizovano ili spontano javno ispoljavanje raspoloženja grupe građana.

(2) Smatra se da je nastao osigurani slučaj opasnosti manifestacije ili demonstracije, ako je osigurana stvar uništena ili oštećena na bilo koji način djelovanjem manifestanata, odnosno demonstiranata (rušenje, demoliranje, razbijanje, paljenje i dr.).

Obim opasnosti poplave i bujice**Član 9.**

(1) Poplavom u smislu ovih uslova smatra se stihijsko neočekivano plavljenje terena od stalnih voda (rijeka, jezera, mora i dr.) zbog toga što se voda izlila iz korita ili provalila odbrambeni nasip ili branu, izlivanje vode zbog izvanredne plime i talasa na moru i jezerima neobične jačine, i od nadolaska vode iz vještačkog jezera.

Poplavom se smatra i neočekivano plavljenje terena zbog naglog stvaranja velike količine vodene mase, koja je nastala kao posljedica provale oblaka.

(2) Bujicom se smatra stihijsko neočekivano plavljenje terena vodenom masom, koja se stvara na nizbrdnim terenima zbog jakih atmosferskih padavina i sliva se ulicama i putevima.

(3) Osiguranjem nisu obuhvaćene štete:

- 1) od gljivica nastalih zbog vlage,
- 2) od plavljenja vode izlivanjem iz javne kanalizacione mreže, osim ako je do izlivanja došlo zbog navedenih opasnosti iz ovog člana stav (1) i (2),
- 3) od plavljenja vode iz oluka i cijevi za odvod kišnice,
- 4) od podzemnih voda,
- 5) na osiguranim stvarima, koje se nalaze u živim i suvim koritima potoka i rijeka kao i na prostoru između potoka odnosno rijeka i nasipa (inundaciono područje).

Obim opasnosti klizanja tla**Član 10.**

(1) Klizanjem tla, u smislu ovih Uslova, smatraju se iznenadni pokreti zemljine površine na kosim terenima s jasnim manifestacijama lomova na površini tla i

srozavanja, koji s pojavom jakih deformacija i širokim pukotinama na građevinskim objektima nastaju u kratkom periodu.

(2) Osiguranjem od klizanja tla nisu obuhvaćene štete na stvarima domaćinstva:

1) od geoloških klizanja tla, kada je tlo na kojem se nalazi građevinski objekat već počeo geološki da klizi u trenutku zaključenja osiguranja,

2) od klizanja tla prouzrokovanog djelatnošću čovjeka (na primjer: zbog usijecanja tla i sl.),

3) od slijeganja tla (ulegnuća),

4) od polaganog geološkog klizanja tla,

5) od živog pijeska, gorskog udara i zarušavanja.

Obim opasnosti odronjavanja

Član 11.

(1) Odronjavanjem se, u smislu ovih uslova, smatra otkidanje i pad materijala kao geološke pojave.

(2) Smatra se, da je nastao osigurani slučaj odronjavanja na osiguranoj osnovi, samo onda ako je materijal koji se odronio udario na osiguranu stvar i uništio je ili oštetio.

Obim opasnosti sniježne lavine

Član 12.

(1) Snježnom se lavinom, u smislu ovih uslova smatra snježna masa u pokretu, koja se otkida s planinskih obronaka.

(2) Osiguranjem su obuhvaćene i štete prouzrokovane djelovanjem vazdušnog pritiska od sniježne lavine.

Obim opasnosti izlivanja vode iz vodovodnih i kanalizacionih cijevi

Član 13.

(1) Izlivanjem vode, u smislu ovih uslova, smatra se:

1) neočekivano izlivanje vode iz vodovodnih i odvodnih cijevi kućne kanalizacije kao i iz uređaja za grijanje toplom vodom i na parno grijanje i drugih uređaja i aparata, koji su priključeni na vodovodnu mrežu, zbog oštećenja ili začepljenja (loma, prskanja ili otkazivanja uređaja za upravljanje i sigurnost) tih cijevi, uređaja i aparata,

2) neočekivano izbijanje pare iz uređaja za toplu vodu ili za parno grijanje.

(2) Osiguranjem su obuhvaćene i štete od izlivanja vode iz vodovodnih i odvodnih cijevi kućne kanalizacije te izbijanje pare iz uređaja za toplu vodu i parno grijanje bez obzira na uzrok, ako je do ostvarivanja ovih opasnosti došlo izvan osiguranikovog stana.

(3) Osiguranjem nisu obuhvaćene štete:

1) od izlivanja vode iz otvorenih slavina osiguranikovog stana,

2) od gljivica nastalih zbog vlage,

3) nastale, kao posljedica neodržavanja kućne vodovodne i kućne odvodne kanalizacione mreže, uređaja za grijanje toplom vodom i za parno grijanje, kao i štete koje su nastale usljed zamrzavanja ove mreže i uređaja.

4) od izlivanja vode iz oluka i cijevi za odvod kišnice,

5) od slijeganja tla kao posljedice izlivanja vode iz vodovodnih i kanalizacionih cijevi,

6) zbog dotrajalosti, rđe i korozije.

Obim opasnosti provalne krađe

Član 14.

(1) Pravolanom krađom, u smislu ovih Uslova smatra se krađa, ako njen izvršilac:

1) provali u zaključane prostorije stana u kojima se nalaze osigurane stvari razbijanjem ili obijanjem vrata i prozora, odnosno provaljivanjem stropa, zidova i podova.

2) otvori zaključane prostorije stana lažnim ključem ili kojim drugim sredstvom koje nije namijenjeno redovnom otvaranju,

3) provali u zaključano spremište u stanu u kome se nalaze osigurane stvari, ako je do spremišta došao na jedan od načina koji je po odredbama ovog člana okvalifikovan kao provalna krađa.

4) neprimjetno se uvuče u stan ili se u njemu sakrije i izvrši krađu u vrijeme kad je stan bio zaključan,

5) otvori zaključane prostorije stana i spremišta pravim ključevima ili njihovim duplikatom, ako je do ključa došao jednom od radnji spomenutih u tač.1), 2), 3), 4) i 6) ovog stava ili razbojništvom ili prevarom maloljetnog člana domaćinstva.

6) provalnom krađom smatra se i krađa stvari s balkona i tremova na spratovima, kao i iz stanova na spratovima ako je izvršena uskakanjem kroz otvoren prozor na spratovima.

(2) Ne smatra se provalnom krađom u smislu ovih Uslova:

1) uskakanje kroz otvoren prozor u niskom prizemlju (do visine 3,0 m računajući od zemlje do donje ivice prozora),

2) ako je provalnu krađu izvršilo lice koje živi s osiguranikom u zajedničkom domaćinstvu ili je u krađi sudjelovao kao saizvršilac ili saučesnik.

3) ako je provalna krađa odnosno razbojništvo izvršeno uz sudjelovanje nekog od članova porodice koji žive u zajedničkom domaćinstvu kao podstrekač ili pomagač.

Pripadnicima domaćinstva se smatraju lica koja u prostorijama, gdje su se nalazile odnešene ili oštećene stvari žive, rade ili su primljene na noćenje.

(3) Osiguravač je u obavezi u slučaju štete od izvršene ili pokušaja izvršenja provalne krađe, ako su tom prilikom osigurane stvari odnijete, uništene ili oštećene, štetu nadoknaditi prema članu 20. ovih Uslova, ali najviše do iznosa 10 % od sume osiguranja od osnovnih opasnosti za stvari ukoliko nije drugačije ugovoreno.

(4) Osiguravač je u obavezi nadoknaditi i štetu na građevinskim dijelovima prostorija stana, instalacija i opreme (oštećenje zidova, stropova, vrata, stakla, brava itd), koja je nastala zbog izvršene i pokušaja izvršenja provalne krađe i to u visini troškova popravke, ali najviše do 2% od sume osiguranja od osnovnih opasnosti za stvari domaćinstva.

Obim opasnosti razbojništva

Član 15.

(1) Razbojništvom se, u smislu ovih Uslova, smatra oduzimanje osigurane stvari upotrebom sile (ugrožavanje s opasnošću po život i zdravlje) protiv osiguranika ili njegovih pripadnika ili prijetnjom da će se neposredno napasti na život ili tijelo ovih lica..

(2) Smatra se da postoji upotreba sile i onda kad su upotrebljena sredstva za onemogućavanje otpora.

(3) Osiguranjem je pokrivena šteta od razbojništva i izvan stana i to za sve osigurane stvari, ali najviše do visine iznosa 2 % od sume osiguranja od osnovnih opasnosti za stvari.

(4) Na štete, koje nastaju razbojništvom primjenjuju se odredbe člana 20. ovih uslova.

Obim opasnosti obične krađe

Član 16.

(1) Osiguravač je u obavezi, da u slučaju nastanka štete zbog obične krađe, naknadi najviše do visine iznosa 2 % od sume osiguranja od osnovnih opasnosti za stvari i to ako je ukradeno rublje, odjeća, posteljina, tepisi i zavjese dok su se nalazili na pranju, sušenju ili peglanju izvan prostorija stana: u perionici ili peglaonici koje se nalaze u istoj zradi u kojoj se nalazi stan osiguranika ili dok su se preko dana (od izlaska do zalaska sunca) sušili ili vjetrili na terasi ili u dvorištu zgrade u kojoj se nalazi stan osiguranika.

(2) Ne smatra se običnom krađom, u smislu ovih Uslova, krađa koju je izvršilo lice koje živi s osiguranikom u zajedničkom domaćinstvu ili je u krađi sudjelovalo kao saizvršilac ili saučesnik odnosno podsrekač ili pomagač.

Obim opasnosti odgovornosti

Član 17.

(1) Osiguranjem je pokrivena odgovornost osiguranika za štete koje prouzrokuje:

1) u svojstvu privatnog lica u svakodnevnom životu izvan obavljanja zanatske ili neke druge djelatnosti osim djelatnosti turizma u kućnoj radinosti (primorski i seoski turizam) te hobi djelatnosti kojima se ne privređuje.

2) kao vlasnik, korisnik i unajmitelj stana ili zasebne kuće za stanovanje, malog vrta ili dvorišta,

3) kao poslodavac prema licima zaposlenim u domaćinstvu,

4) posjedovanjem i upotrebom bicikla bez motora,

5) bavljenja sportom, osim sporta kojim se bavi profesionalno kao i sporta koji je vezan za upotrebu vozila sa motorom bilo koje vrste, sporta sa letilicama, lova i borilačkih sportova (boks, mačevanje, hrvanje, džudo, karte itd.).

6) kao držalac pitomih životinja ako se životnje ne drže u svrhu privređivanja,

7) hladnim i vatrenim oružjem za čije držanje ima dozvolu i koje služi za odbranu ili sudjelovnje na streljačkim takmičenjima.

(2) U istom obimu kao i u stavu (1) ovog člana osiguranje se odnosi i na odgovornost:

1) bračnog druga osiguranika, djece i ostalih lica koja žive sa osiguranikom u zajedničkom domaćinstvu,

2) lica zaposlenih u domaćinstvu osiguranika pri obavljanju poslova tog domaćinstva.

(3) Ako se dio stana odnosno kuće za stanovanje upotrebljava za obavljanje nekog zanimanja, osiguranjem nije obuhvaćena odgovornost iz sadržaja tog dijela stana odnosno kuće.

(4) Osiguranjem su obuhvaćeni osigurani slučajevi nastali na teritoriji Bosne i Hercegovine.

(5) Osiguranjem nije pokrivena:

1) odgovornost osiguranika za namjerno prouzrokovanu štetu, osim ako je štetu namjerno prouzrokovalo lice zaposleno u domaćinstvu

2) odgovornost za štete iz držanja i upotrebe motornih vozila i drugih vozila na motorni pogon (traktora, motokultivatora, samohodnih radnih mašina), vazduhoplova, vozila na vodi,

3) štetu koju pretrpi osiguranik, njegov bračni drug i djeca te lica koja žive sa osiguranikom u zajedničkom domaćinstvu,

4) odgovornost za štetu pričinjenu na sastavnim dijelovima zgrade, koji čine stan osiguranika,

5) odgovornost za štete na stvarima ili izvršenim radovima koje je osiguranik, ili koje drugo lice po njegovom nalogu ili za njegov račun, izradio ili isporučio, ako je uzrok štete u izradi ili isporuci .

6) odgovornost za štete od proizvoda sa nedostatkom

7) štete na tuđim stvarima prouzrokovane pri obavljanju od strane osiguranika na ovim ili sa ovim stvarima djelatnosti iz zanimanja (kao npr. obrada, popravak, prevoz, ispitivanje i sl.).

8) odgovornost za štete koje su nastale kao posljedice svjesnog postupanja suprotno propisima ili pravima,

9) odgovornost za štete koje su posljedica zagađivanja vazduha vode i tla,

10) odgovornost za štete koje su posljedica profesionalnog oboljenja radnika osiguranika,

11) odgovornost za štete na tuđim stvarima koje je osiguranik uzeo u zakup, poslugu, zajam, na čuvanje, na prevoz i slično.

(6) Osiguranjem nisu pokrivenne štete koje nastanu na stvarima usljed:

1) trajnog djelovanja, temperature, gasova, pare, vlage ili padavina (dima, čađi, prašine i sl.) kao i usljed pljesnivosti, potresa, šuma i sl. ima za posledicu postepeno nastajanje štete.

2) uljevanje i klizanje zemljišta,

(7) Osiguranjem je pokrivena šteta iz osiguranja odgovornosti do visine iznosa 10 % od sume osiguranja od osnovnih opasnosti za stvari i to za svaki pojedini slučaj, ako nije drugačije ugovoreno.

Obim opasnosti loma stakla

Član 18.

(1) Osiguravač je u obavezi da naknadi štetu u slučaju uništenja ili oštećenja ugrađenih stakala u prozorima i vratima stana zbog bilo koje opasnosti kojoj su izložena ali najviše do iznosa 3 % od sume osiguranja od osnovnih opasnosti za stvari ukoliko nije drugačije ugovoreno.

(2) Osiguravač nadoknađuje troškove skidanja i ponovnog namještanja predmeta, koji smeta postavljanju novog stakla (nap. zaštitna rešetka, zaštitne šipke, zaklon od sunca i sl.).

(3) Osiguranjem nije obuhvaćena šteta koja nastane:

1) pri prenošenju ili namještanju osiguranog stakla u prostorije koje nisu označene u polici,

2) zbog ogrebotina, izjedanja ili sličnih oštećenja na površini stakla.

Osnov za obračun premije

Član 19.

(1) Osnov za obračun premije za stvari koje su predmet osiguranja je minimalna vrijednost koju, na osnovu kretanja cijena, utvrđuje osiguravač svake godine.

(2) Osiguranik može ugovoriti osiguranje na vrijednost veću od minimalnih.

Vrijednost osiguranih stvari

Član 20.

(1) Vrijednost osigurane stvari je nabavna cijena nove stvari umanjena za iznos procijenjenog rabaćenja (amortizacije).

(2) Ako nije drukčije ugovoreno i plaćena dopunska premija, obaveza osiguravača ograničena je ukupno po događaju:

1) za gotov novac, vrijednosne papire, drago kamenje, plemenite metale, prave bisere i predmete od ovih materijala zavisno od njihovog smještaja:

a) ako se drže u zaključanom komadu namještaja ili zaključanim kasama ili kasetama dobro pričvršćenim za namještaj do iznosa u visini 0,5 % od sume osiguranja od osnovnih opasnosti za stvari;

b) ako se drže u zaključanom spremištu, koje je osigurano od odnošenja (uzidani sefovi, uzidane kasete, ormarići ili druga vrsta obezbjeđenja koju priznaje osiguravač) do iznosa u visini 1 % od sume osiguranja od osnovnih opasnosti za stvari,

2) za umjetničke predmete do iznosa u visini 0,5 % od sume osiguranja od osnovnih opasnosti za stvari;

3) za zbirke do iznosa u visini 0,5 % od sume osiguranja od osnovnih opasnosti za stvari;

4) za antičke predmete (stilski namještaj) do visine vrijednosti isto takvih običnih stvari domaćinstva ne uzimajući u obzir njihovu antičku vrijednost,

(3) Stvari domaćinstva na tavanu, u podrumu, šupi i garaži te na terasi osigurane su ukupno po događaju do iznosa od 5 % sume osiguranja osnovnih opasnosti za stvari domaćinstva ukoliko nije drugačije ugovoreno.

(4) Ako su osigurane stvari potpuno uništene ili ukradene a osiguranik ne može dokazati njihovu vrijednost u smislu stava (1) ovog člana, osiguravač je u obavezi nadoknaditi najviše 50% od nabavne vrijednosti nove stvari, osim kod stvari iz stava (2) ovog člana.

Mjesto osiguranja

Član 21.

(1) Osiguranje važi za vrijeme dok se osigurane stvari nalaze u stanu osiguranika na području Bosne i Hercegovine ili u pomoćnim prostorijama, koje pripadaju tom stanu (tavan, podrum, šupa, garaža i terasa).

(2) Osigurane stvari u domaćinstvu smatraju se osiguranim, od opasnosti iz ovih Uslova i za vrijeme selidbe u drugi stan, ako se nalaze u pokrivenim vozilima za prevoz stvari domaćinstva.

(3) Ako se osigurane stvari u potpunosti ili djelimično prenose iz stana osiguranika, a to nije učinjeno u vezi s preseljenjem u drugi stan, ili ako se stvari upotrebljavaju izvan stana, obaveza osiguravača prestaje osim za opasnost razbojništva.

(4) Izuzetno od odredaba prethodnog stava, osiguravač je u obavezi do iznosa u visini 2 % od sume osiguranja od osnovnih opasnosti za stvari i kad se privremeno, ali ne duže od dva mjeseca, nalazi u nekom drugom stalno nastanjenom stanu na području Bosne i Hercegovine ili u pomoćnim prostorijama koje pripadaju tom stanu.

Odredbe ovog stava ne odnose se na štete od obične krađe.

Utvrđivanje visine naknade iz osiguranja

Član 22.

(1) Visina naknade iz osiguranja utvrđuje se:

1) u slučaju uništenja ili nestanka osigurane stvari - u smislu člana 20. ovih uslova u vrijeme nastanka osiguranog slučaja umanjenu za vrijednost ostatka.

2) u slučaju oštećenja osigurane stvari - u visini troškova popravka po cijenama materijala i rada, u vrijeme nastanka osiguranog slučaja, umanjenih za iznos procijenjene istrošenosti i vrijednosti ostataka.

(2) Naknada će se isplatiti u punom iznosu, a najviše do sume osiguranja odnosno do ugovorene veće sume osiguranja (osiguranje na "prvi rizik").

Odredbe o podosiguranju ne primjenjuju se u ovom slučaju.

(3) Izuzetno od odredaba prethodnog stava, ako se prilikom nastanka štete utvrdi da osigurani stan ima više soba nego je u polisi naznačeno, ili da je premija obračunata na osnovu vrijednosti koja je manja od minimalne vrijednosti, određene za dotičnu osiguravajuću godinu svaka naknada štete za stvari, kod kojih visina premije zavisi od

broja soba ili o određenoj minimalnoj vrijednosti, umanjíće se srazmjerno plaćenoj premiji i premiji koju je trebalo platiti.

(4) Veći troškovi popravka, koji su nastali zbog toga što su prilikom popravka na oštećenoj stvari učinjene izmjeñne, poboljšanja, ili usavršavanja padaju na teret osiguranika.

(5) Ako troškovi popravke po odbitku amortizacije i vrijednosti ostatka prelaze vrijednost oštećenih stvari iz člana 21. ovih Uslova smatraće se da je stvar uništena i naknada se obračunava prema odredbama stava (1), tač.1) ovog člana.

(6) Kod osiguranih stvari koje čine skup stvari (na primjer: garnitura, servis i sl.) u slučaju oštećenja ili uništenja samo jedne stvari iz ovog skupa, ne nadoknađuje se gubitak zbog umanjenja vrijednosti skupa.

(7) Spašeni dijelovi i ostaci uništenih, odnosno oštećenih stvari ostaju osiguraniku i obračunavaju se po tržišnoj vrijedosti u mjestu štete prema stanju u kome su se nalazile u času nastanka osiguranog slučaja.

Naknada troškova

Član 23.

(1) Osiguravač nadoknađuje troškove raščišćavanja i rušenja u vezi s nastalim osiguranim slučajem na osiguranoj stvari, ali najviše do iznosa u visini 2 % od sume osiguranja od osnovnih opasnosti za stvari.

(2) Osiguravač nije u obavezi naknaditi troškove prouzrokovane radi otklanjanja uzroka štete, kao i troškove intervencije vatrogasnog društva ili drugih organizacija čija je dužnost, prema karakteru poslovanja, da besplatno pružaju pomoć kad osigurani slučaj nastane.

Pronađene ukradene stvari

Član 24.

(1) Ako osiguranik na bilo koji način sazna gdje se nalaze ukradene stvari, dužan je odmah preduzeti sve potrebne mjere, osobito preko nadležnih organa, da se utvrdi identičnost stvari i da mu se one što prije vrate. Isto tako je dužan da o tome što je saznao o preduzetim mjerama i njihovom rezultatu obavjesti osiguravača u najkraćem roku.

(2) Ako osiguraniku nije isplaćena naknada, a nije protekao rok za isplatu naknada za pronađene stvari u smislu odredaba opštih uslova za osiguranje imovine, osiguranik je dužan pronađene stvari primiti natrag.

Ako su vraćene stvari oštećene osiguranik ima pravo na naknadu u smislu člana 22. ovih Uslova.

(3) Ako su osigurane stvari pronađene nakon isplate naknade iz osiguranja ili po isteku roka za isplatu, osiguranik ih može zadržati za sebe, ali je dužan osiguravaču vratiti primljenu naknadu za oštećene stvari uz odbitak nužnih troškova, preuzimanja, koji ne mogu preći iznos isplaćene naknade, a oštećene stvari može zadržati po cijeni sporazumno utvrđenoj sa osiguravačem i vratiti mu samo odgovarajući dio primljene naknade. Ako osiguranik ne želi zadržati te stvari, one prelaze u vlasništvo osiguravača.

Važnost Opštih uslova za osiguranje imovine

Član 26.

Na osiguranja zaključena po ovim uslovima primjenjuju se Opšti uslovi za osiguranje imovine ukoliko nisu u suprotnosti sa ovim uslovima.

Ovi Uslovi stupaju na snagu danom donošenja, a primjenjuju se od dana osnivanja Društva.

 Direktor Društva
Nedim Gavranović
Nedim Gavranović, mr.